



05371

批點明詩七言律卷十一

東明穆文熙敬甫批選

石星拱辰閱正

長洲知縣劉懷恕校刊

莆田陳知占繕書

徐學謨

字叔明號太室嘉定人嘉靖庚戌進士官尚書

遊少林寺觀達磨面壁像

穆子百徐公筆勢深漆而音節不爽如淮陰將兵多多益善

初。祖。何。年。泛。葦。航。却。來。中。界。度。迷。方。天。臨。嵩。岳。雙。峯。
並。河。遶。龍。門。一。線。長。古。壁。莓。苔。留。色。相。殘。碑。巔。負。認。

明詩七言律卷十一

隋唐欲知心地皈依處坐見珠林放葢光。

○王少叅招飲均州南城樓

○淨界城高倚素空樓陰橫矗泰元宮乍沾雨色三秋
始不盡江流一線通天倒玉京垂睥睨雲開仙掌出
空同坐來閭闔應無暑振袂誰當萬里雄

雪暑枯坐感興

寒山霧裏日光遲殘雪飄零萬樹枝躍馬漸知雄力
減射鵬還與壯心宜宵巖不用登樓嘯江晏無勞薦
璧祠素食自慚長閉閣遠臣何以答皇私

情真意暢
道義宛然
詞復大雅

江陵冥張少保封君宅

十年江漢一麾存，重至能忘國士恩。
旋馬綏開新甲第，登龍猶識舊琴尊。
三台氣色占眉宇，萬石家聲在里門。
獨有春醅偏戀客，故人相對欲無言。

○ 荆州徐宇卿憲副酌予仲宣樓感賦此樓不登
盖十二年矣親予手墨宛然如新

故郡河山落照懸，摩挲蒼壁舊題鮮。
清時莫擬登樓賦，高會誰當下榻賢。
天遠片帆雲夢渡，春深芳草渚宮煙。
牆烏梁燕驩相識，江漢羈臣有歲年。

明詩三言律卷上

二

初領鎮鄖捧檄西邁感賦

總道羊侯佩虎符，却疑烏府是玄都。
雲中嶽色分仙掌，日下軍容壯僕姑。
省入提衡三界靜，天為設險一城孤。
居然坐鎮消烽壘，緩帶風流得似無。

鄖城九日雨喜周紀善紹稷自襄州至清美堂

留酌

江上峯陰鬱不開，佳晨無賴強徘徊。
何人最愛看山坐，有客俄驚曳履來。
赤羽不傳閑鼓角，清尊相對積莓苔。
浮名莫問鄒從事，峴首千秋只舊臺。

語意若雷

運轉薄激

風迅疾在美

始借一籌

孟冬日鄖城閱視遂登春雪樓為前開府王公

所題併榜詩一律借為嗣響因致景憶之私

穀日題詩雪滿樓嚴城風物颯高秋西南天地仍開

府秦楚山川只綴旒寡和最憐孤郢調雄飛誰並兩

吳鈞嶂嶸錦字千春色絕勝泥碑漢水頭

吳明卿大參自大梁罷官歸楚遺詩慰訊作

風雨閑齋隱几晨故人千里歎沈淪從他白簡能銷

骨番老黃冠未悞身已謂中興開黨禁何緣末路尚

風塵愁來嵩少寒無色慘澹橫雲送逐臣

張鹵

字石和號許東儀封人嘉靖己未進士官右副都御史

送上卿顧懷東致政歸長洲

公以此詩贈懷東吳天和有者無慮數百人刻本流傳陽春暮和其新調哉

羨君勇退乞懸車出處人間總不如四紀功成逐塞

馬三江歸去覓鱸魚高吟獨擅開元句直諫猶存痛

哭書忝竊論文知最稔分攜何以報瓊瑤

晚秋出廣寧門別李月賓給諫時月賓以論事

忤旨放歸

早出同君坐酒鑪郊門霜華滿平蕪沾裳不盡臨岐

意對景真成泣別圖已見金雞蒙異寵寧容匹馬竟

張公在宮中

嘗攜謝茂

秦吟詠平生

持論甚高

解所與可

頃與子談

累書夜始

見前蘇已

乃出其詩
託子選之
故知張之
深於詩也

詩開君父
悲露圭角此
作痛哭中有
含蓄可謂
得風人之旨

長途遙陽南畔漳河道會有徵書下 帝都

二月既望東村大司徒招游雨花臺同司空洛

南院長太東棘卿幼海棘丞象川席上有作

雨花臺上早停軒麗景偏迎聚寶門八座尚書開綺

席五陵詞客共芳尊中天樓閣當人起下界鶯花入

目繁今日須拚盡一醉喜看豐樂滿江村

中秋夜鳳皇臺燕門人武進謝景韓長洲顧弘

任二進士

鳳皇臺上豁吟眸月色星輝近酒甌千里同心來二

明詩二卷任二進士

妙百年今夜正中秋山頭雲盡蓬萊近江面波澄島

漱幽因憶李侯佳句在期君斗酒一相酬

秋日寄荅謝茂秦

江天渺渺雁初飛桂子風前點客衣宦况那堪秋又

晚詩朋常恨信全稀雨中上黨春聯句燈下陽城夜

掩扉舊事祇常今在眼登臨空憶謝玄暉

恒陽秋霽

久雨新晴景最佳捲簾秋意倍繁華人烟市井看無

盡鎖鑰山河望不遮臺畔丹楓霜信早天邊白雁字

雨花臺乃南
中佳景此作
足為圖譜

中一聯切當精
奇未聯李侯
斗酒興致飛
韻

感時憶舊情
事依然雨中
上黨燈下陽
城俱屬佳語

中四聯寫秋
霽之景甚佳亦
自開府氣字未
聯軍中休暇

自餘聞風

行。金轅門鼓吹聲時動。正是軍中演六花。

談吐從容
儼若對面

答李太字進士

近來鄉閭談詩少。末路逢君慰我思。逸氣誰當千里步。藻思真擅六朝奇。寧忘下榻慙勤意。猶記班荆晤語時。早晚東庄村酒熟。可能重許赴幽期。

得張居來銅梁書

萬里蠶叢寄一書。開槭涕淚滿幽居。可憐話別六年後。同是竟招九死餘。事過始諳渾失計。眼前莫問更何如。寒灰老我冥心定。汴水河干已結廬。

次聯激切
若此必有心
事難以語
人

明詩二卷卷二

四

泊小灘鎮

開府昔曾為地主。停舟今又傍河濱。岸頭柳暗春才去。水面煙橫日已曛。羊祜慚言留德政。虎賁猶識舊將軍。郵亭一笑開今古。風外漁歌未忍聞。

二作觸景
述懷憫時
憂事大有
杜旨

從此官程水陸分。小灘公署接河濱。田疇牟麥時難稔。旅客帆檣日易曛。魏博提封連四域。漢家轉餉急三軍。囊中奏草今猶在。去國忽忽未敢聞。

清豐院署書懷

冉冉春光已向殘。不堪回首憶長安。倉忙始覺年華

末以丹字易
酸字方於轉
更有照應
且用二丹字
見孤忠未改
非徒詩焉

而巳
八皆繁華
公獨寂寞
默有匡時
矯俗之意
乃工部體
裁

助甫詩豪
宕不羈大有

英雄之氣

易坎壈方知世。茲難河朔風塵誰載酒。頓丘明月一
憑闌。卜居閑詠君平賦。自撫丹心轉更丹。

新正十三日上封事後出東華門訪客過燈市

由來 帝里競繁華。燈市何知此更佳。九陌珍奇傾

海嶽。五侯車馬燦雲霞。遙傳魚鑰東華暮。却望鰲山

上苑賒。獨有侍臣寂寞甚。年年草奏待黃麻。

張九一

字助甫

號周田汝寧人嘉靖間進士官廉

寄見甫弟

塵盡巴山白髮新。西風何處不傷神。馬曹蹭蹬官難

明詩七言律卷之二

五

起鳥道艱危老更貧。九派長江春後鴈。一年芳草夢

中人。相思况是無消息。徙倚天涯涕淚頻。

寄子與

領郡曾傳沈隱侯。歸來何處更登樓。燕春不度雛生

律。對雪常含宋玉秋。作賦月明黃檗潤。懷人秋滿白

蘋洲。虛疑海上窺三島。猶自江東滯一丘。

寄元美

海上明霞擁赤城。春風高臥巖薇生。狂從方外為司

馬。老向江東號步兵。縱飲祇供鸚鵡舞。擬梧還作鳳

凰鳴尚來誇我藏名手。年少何緣尚借行。

寄德甫

長安一別鬢俱華。客淚蕭條滿暮笳。白社可容陶令酒。青門堪種邵平瓜。風塵病起逢江鴈。湖海歸來失漢槎。正是楚天寒落後。好從桂樹問移家。

○人日偕樊一賢林子順遊洪山寺

丹梯縹緲歷千盤。漢水相雲萬里看。夜雨乍催雙樹長。春陰猶抱九峯寒。杯傳初地鐘聲合。客散諸天月色殘。若向登高論作賦。郢中原自和歌難。

明詩七言律卷七

六

○送王使君提兵入蜀

巫峽秋聲灑灑孤。王遵叱馭競前驅。洗兵雨淨三苗國。吹角風高八陣圖。棧道燒殘西極紫。巴山開盡巨靈趨。懸知劔閣題銘處。還與燕然片石俱。

○小至公安道中

江濤流入呂蒙營。野色蕭條暮雪平。一水人煙臨落照。萬家春氣抱荒城。梅花解墮孤臣淚。芳草深知故國情。黍谷向來甘寂莫。肯從鄒衍問生成。

送德甫余憲回之閩

詩意如秦
師過周免
曹越乘驕
氣勃勃

三首氣勢
雄豪有吐
氣成壯意
元白互足壓
試

燕臺北望起悲笳。塞草蒼蒼接暮沙。秋氣萬山疑薄
霧。西風千里落殘霞。勳門尊酒離鴻曲。河渚寒星奉
使槎。我亦東南曾作客。愁人無奈狹蘆花。

天寒易水與雲齊。送客悲歌獨杖藜。策馬斜陽遼海
北。挂帆秋色楚江西。他鄉貧病逢搖落。歧路音書隔
鼓鼙。最是大夫能作賦。箭中千尺起虹霓。

河橋楊柳半凋殘。折贈蕭條罷合歡。霜落榆關鴻鴈
度。月明蘭佩美人寒。乾坤涕淚交遊盡。湖海風塵去
住難。日暮為君歌出塞。驟令華髮指危冠。

留別敬美

握手蕭騷惜鬢華。况逢晚戍奏悲笳。秋聲幾誤書邊
鴈。杯影猶驚病後蛇。君到長安仍外服。我稱左輔亦
天涯。十年飄泊真浮梗。枉殺人呼使者槎。
南北行藏一敝裘。若為去住總淹留。龍泉豐嶽霜初
吐。駭骨金臺晚見收。詞客爾時多吏跡。酒人何地不
天遊。惟餘朋輩飛揚態。若作離筵一段愁。

贈石拱辰太僕

夕郎抗疏動楓宸。萬死驚傳脫逆鱗。天上虹霓回折

別志凄切
可想交情

次臨意奇

詞雅末聯
更有歸宿
此題甚難
非高手便
着色相

謂予為俠
誠為對病
謂予為玄
得無嘲其
尚白乎予
將處不使
不玄之間

中聯寓意
甚詩玩之
不盡

予初選助甫
詩半首甚
少之其來訪
予則畫出所
作復得若干
首已之與欽
五目得七首
茲七首添麗
切當他作
尤稱奇勝豈
河北之戰沉
解破釜項氏
亦不遺餘
力乎予不假
為八首答之
將並錄其山
以紀奇遊也

余邑為漆
園故址故
甫其詩

檻都亭。日月寄埋輪。寧因對馬知明主。自倚思鱸乞
此身。諫草縱然焚欲盡也。應寡和屬陽春。

贈敬甫穆吏部

排闥倉皇叫帝闈。悲風獵獵淚雙痕。弟兄急難身何
得。湖海辭榮道轉尊。南斗紫應為俠氣。西川玄合是
微言。板輿已就閑居賦。三黜由來亦主恩。

題遲鴻臺

遲鴻臺上暮鴻飛。把酒登臨倚翠微。曲裏冥冥三秀
老。雲間肅肅五絃揮。弟兄詞賦無今古。湖海音書有

明詩七言律卷十一

是非。正值秋風南度候。故人天末未同歸。

逍遙園訪敬甫拱辰四首

中原命駕一交情。二子居然學耦耕。起草星辰餘氣
色。上書天地割崢嶸。賜環明主恩原厚。佩玦孤臣
病轉嬰。不盡當年燕市淚。猶堪對灑濯塵纓。

逍遙園裏傲煙霞。真作蒙城吏隱家。豈少歌鐘過北
里。自緣天籟領南華。為魚潑潑遊春藻。化蝶蘧蘧坐
晚花。暫息扶搖無不可。肯將清淚怨長沙。

松下蕭然讀道書。還從人境狎樵漁。浮空一水寒煙

詳然為感化
蟻子則有之
扶輿斬息豎
知屏鷄者矣

次臨自滄江
明石句來甚
偉麗子園尺
澤卷山差有
幽致耳何能
反此

中三聯杯俱
畫劍並高
秦斷探飛
濤數字俱
奇

次聯用事
切當然自
尔何人四字
尤見手筆

斂。背。郭。干。峰。夕。照。虛。但。使。為。園。容。二。仲。何。妨。去。國。老。

三。間。悲。歌。燕。趙。秋。風。裏。時。有。飛。虹。叩。索。居。
此。地。依。稀。谷。口。逢。參。差。籬。落。暮。煙。封。黃。河。瀉。作。堦。前。
水。碣。石。蹲。為。坐。上。峯。秋。滿。初。衣。踈。薜。荔。霜。纏。紫。匣。吐。
芙。蓉。身。軀。薄。祿。風。塵。久。華。髮。真。慚。邴。曼。容。

黑河夜別雲從都督

再。賦。西。征。嘆。二。毛。那。能。霜。夜。別。同。袍。分。襟。片。月。杯。俱。
盡。出。塞。群。星。劍。並。高。蕭。蕭。哀。鴻。參。斷。吹。戎。戎。寒。霧。挾。
飛。濤。君。看。弱。水。回。流。意。似。識。人。間。去。住。勞。

明詩七言律卷二

九

章

七月一日孫太史管山人枉臨草堂賦贈

野。竹。蕭。蕭。繞。戶。青。暮。花。蘋。葉。類。江。汀。文。章。自。爾。如。孫。
楚。賓。客。何。人。似。管。寧。開。匣。芙。蓉。晴。競。長。經。秋。鴻。鴈。暮。
堪。聽。還。憑。太。史。占。天。象。汝。穎。何。當。有。聚。星。

甘泉夜集贈李使君

月。滿。甘。泉。斷。夜。鐘。天。高。絕。域。此。相。從。時。清。開。府。多。詞。
客。地。盡。流。沙。總。漢。封。宛。馬。貢。來。名。紫。燕。虔。刀。佩。處。見。
蒼。龍。看。君。合。是。山。東。妙。自。請。長。纓。出。九。重。

寄方允治

早秋木葉下輪臺。遠客歸心未可裁。落日旌旗青海
戍。西風鼓角白龍堆。暫因繫帛煩江鴈。却憶分襟發
嶺梅。莫道南陽龍臥穩。已看雲氣動蓬萊。

送劉信甫會試

岌岌鴈塔醉春陽。一騎長安碧草芳。綠鬢談經秦博
士。青雲射策漢明光。飄然神馬來西極。去矣佳人在
北方。豈少憐才楊得意。看君賦奏便為郎。

李使君阻風高臺以詩見示賦此答之

玉門春盡斷歸鴻。客舍青山伏枕中。黯黯麥秋寒自
雪。蕭蕭穀雨夜仍風。仙槎阻絕黃河北。漢月依稀黑
水東。信是蘭臺工作賦。不知何似楚王雄。

送賀叅戎之花馬池

雙旌東指赫連臺。四月嫖姚度漠回。楊葉遙迎金鏃
吐。桃花深映紫驕開。干戈榆塞三城接。風雨蕭關萬
騎來。一片賀蘭山上石。千秋遲爾勒銘才。

洪使君移鎮神木

使者仙槎未可逢。五原移節淨胡烽。抗旌夜獵黃雲
戍。載筆朝吟白雪峯。貢馬春風深首箚。銘山秋色削

以下詩奇
氣縱橫大
有遠思當
今自宜作王
門閣外客
也

芙蓉爭傳天上環新賜匣裏干將欲化龍。

送王將軍之鷹門 王并州人

句注天回接大荒，鴈門陡闢暮雲蒼。即看汾水含秋色，却指并州認故鄉。雀印高懸三晉月，虎符遙散五原霜。千山搖落西風裏，驕馬翩翩一劍裝。

秋日懷秉器使君

獨上祁連淨夕烽，酒泉東望憶相逢。露華遙汎金仙掌，秋色初高玉女峯。心折西戎淹五馬，神交南斗出雙龍。飛鴻不到胡天遠，知在秦關第幾重。

明詩三言律卷十一

十一

何成德

雷雲從督都自左府出鎮甘肅是時遼東李寧遠以軍功拜侯

親提十二羽林兵，詔下登壇別帝京。五郡再開都護府，公故為副將九重偏識亞夫營。關前明月彎弓出，馬首

寒雲結陣行。不見遼陽新賜券，如君肯作後功名。

秋日同能憲韓何國珍吳約卿劉子真尋三遊

洞二首

峽口風高萬木秋，千盤危磴枕丹丘。石門雙抱青雲立，乳竇齊含白雪流。仙侶月明歸鶴唳，秦人花落到

三詩有騎鯨取鶴飄然物外之法

漁舟素書不為名山秘物外還期汗漫遊

倚杖峰頭碧漢斜依稀天未見人家送書不到中原

鴈汎斗空悲使者槎尊裏春醪霞一色林間石鏡月

重華援琴為奏清商曲萬壑西風落桂花

○九日同能憲韓何國珍登葛仙峰分賦因簡劉

子真吏部時子真以病不赴

丹楓蕭瑟水潺湲片石侵雲控楚關日下飈流夢

澤天寒搖落見巫山他鄉物候悲歡裏遠道風塵去

任間不是使君能泛菊江州逸興更誰攀

三詩若楓林
下葉菊蕊
紛紛

明詩七言律卷十一

十一

懷抱憑高暫一開空山何處喚鐘來銜杯客醉柴桑

里授簡詩成戲馬臺樹杪濤聲三峽近天邊帆影九

江回十年飄泊迷鄉國殊俗相看亦可哀

登樂山

夾道垂楊間碧桃松風十里似江臯飛流峽折潺湲

下峻嶺雲開處處高出沒關城分百雉阡眠草樹佐

雙螭憑將謝眺驚人句搔首青天照綵毫

中峯壁立杳難攀一徑欹危翠靄間木末波濤翻汝

海兩餘雲氣接嵩山捫蘿嘯逐玄猿去策杖身從碧

月西可道故人情戀戀。向來離合本難齊。

過秉噐行署同賦兵字

紫氣高臨懸瓠城。到來京兆謁承明。論文正復朱公叔。命駕還如阮步兵。省署春深饒燕雀。關河日落半陰晴。最憐黃鳥知人意。不斷枝間求友聲。

送乾甫弟遊燕

闕下賢良洛下生。東風天外斷鴻聲。諸侯自貴人充賦。才子相矜帝識名。客渡大河芳草徧。春生上苑百花明。燕臺突兀黃金色。千里今看駿馬行。

明詩七言律卷十一

前十一

新

抱璞何須泣卞和。明經四十未蹉跎。即看伯氏吹僊賦。已作驪駒整駕歌。塵沼泱泱孤月滿。山巒巒五雲多。公車到日推文似。獨有楊雄載筆過。

石星

字拱辰。號東泉。東明人。嘉靖己未進士。官太僕卿。

戊辰歲同穆敬甫舟中作

回首雲深薊北臺。不緣五斗賦歸來。江湖我適扁舟興。廊廟君終濟世材。寒色侵人鄉夢斷。濤聲入夜錦帆開。平生擊楫成何事。起向燈前歌莫哀。
千里家山入望遙。真心獨坐夜無聊。斜風弄渚遲歸

拱辰自釋
揭後即此字
譚詩迄今廿
年餘其同舟
集糠慨孤
憤滌陽諸
作希意五維
雜以禪意
總之皆大家
數也後以友
人我之遂捲

棹急雨凝寒憶敝貂狹路如逢蜀道險奔流似泛廣
陵潮平原到處無知己誰為攜尊破寂寥

風雨蕭條野色昏故鄉今去掩柴門殘春花鳥妝詩
卷大地山河入酒尊抗疏匡衡心自苦迷途阮籍道
猶存相知若問歸來計消受洛陽五畝園

春殘何處聽鶯聲故國煙花總繫情雨歇林臯添賦
興風清猿鶴入詩盟壯心已逐滄波逝短髮寧禁歲
月征不有心知同鮑叔生平意氣向誰傾

遷南太僕過里喜晤穆考功

明詩七言律卷十

十一

何成業

遙傳除日到柴荆故里寧勞負琴迎白雲滿頭空自
老黃金橫帶竟何成三年旅邸歸來夢一笑親知感
慨情松桂未殘猿鶴在可容同結舊時盟

臘月望日乃予誕辰陳秦二丈邀飲瑯琊寺

四十無聞愧此身瑯琊驚見客筵新官閒白髮難酬
玉地迴青山解傲人酒味尚浮晴社臘泉聲已報隔
年春是年正月立春使君不用重投轄萬仞峯頭月可親

余詩曰山
雲之紅婚人

浦葉落疎林見故柯座裏法堂千嶂合望中天闕五
秋杪瑯琊一度過里遊臘日趨晴和泉鳴別澗歸新

雲多怪來永夜渾忘倦。明月團空發浩歌。

除夜環山臺邀廷祝翼齋二公共飲

除夜高臺燭影新。朔風寒雪酒杯頻。已知白髮偏陵
我未許浮名久誤人。吏隱須尋塵外蹟。時閑莫負客
中春。瑯琊雪霽尤堪賞。便欲從君走畫輪。

邵永春

字子元。號仰麓。長垣人。嘉靖間進士官紳。

寄題敬甫山洞

子元他詩頗涉意氣山洞二首有幽人物外之趣殆漫然大雅

莫道漁樵歲月閑。閉門幽事頗相關。投簪自信為真
隱。買石何妨作假山。錯落斗文扶杖外。籠葱樹色把

明詩三言律卷上

十四

新

杯間。莊生已遂丘中賞。浪說終南可陟攀。

又寄一首

石勢嶙峋上作巖。下餘深洞可盤桓。玲瓏戶牖風徒
入。迴合天光氣自寒。病骨祗應能却暑。衰顏何計可
成丹。桃花門外年年滿。遮莫劉郎幾次看。

過卧龍岡值雨

南陽負郭隱耕鋤。霧雨籠烟暗草廬。何處風雷驅使
節。此間魚木戲徵車。石床夜據清歌枕。龍畝波分汲
綆渠。慙愧逢時無計策。故園蕭瑟轉踟躇。

三詩直氣動
節傲在筆
端有味乎
出師二表

子及荷蘭
堂稿大有
于鱗之風

伯子才贍詞
美蔚然不窮
如海南估客
引囊一漏珠
磯濠濠

赤熾三分業未成，風雲旦看擁霓旌。奔馳短草行泥
亂點，綴殘花帶露明。岡起卧龍吟漢外，石將乳燕舞
春城。飛絲過眼天隅細，白水紅陽萬古情。

方沆

字子及

號詡菴，莆田人。隆慶戊辰進士官郎中。

贈別余宗漢明府

銅章縮罷拂衣還，末路看君髮未斑。已自片言迴
大曆，何妨盈篋下中山。風塵結客千金盡，湖海窮愁
一醉間。不是故人憐范叔，綈袍誰為破離顏。

尊酒憑陵

帝里東雙攜綵筆，鬱雲虹飛見百里稱。

明詩三律卷十一

十五

新

仙令。失馬當年問塞翁，江上扁舟春不繫。郢中孤調
雅能工。紅顏總為浮名誤，矯首青天起片鴻。

奉送大司徒傅公致政還沔陽

漢署勲名屬度支，憂時雙髮忽如絲。三年草奏東南
計，垂老懸車日月私。歸去郢中歌是雪，生來天上宿
為箕。可堪國士啣恩意，折贈江城楊柳枝。

魏允貞

字懋忠，號見泉。南樂人。萬曆丁丑進士。授推官，改御史。上書謫，判復陞南

京史部
考功郎

送龍渠郭先生巡撫應天過里省大夫人

風雲天上竟誰攀。萬里功名氣自閑。遊子過門憐白髮。大夫開府正朱顏。米霜吳楚澄清後。幃幄江淮保障間。亦有美人卧南國。不妨小队入青山。

天壽山陪祭長陵有述

高秋松栢鎖氤氳。劍千年憶聖君。神武載新天下朔。名王三徙漠南軍。天山開合鐘元氣。石馬春秋嘶暮雲。此日駿奔真忝竊。欲從金匱問華勛。

奉送繼津司馬轉南大司空

天聲萬里憶風霆。一卧滄江髮欲星。驟喜冠平參樞密。又看汲黯去朝廷。一生報主心常赤。四海關身淚幾零。疆理東南當水旱。司空何日報時寧。

山人陳本容以穆少春詩扇到因擬為荅兼呈

東泉太僕

詩來空谷轉多情。憔悴人看意氣生。雪後剡溪還有興。春來黃鳥更求聲。悲歌此土原同調。抗疏當年豈為名。若問謝家池上草。疾風猶似舊時青。

孤臣去國不勝情。何用人稱似賈生。天上青雲虛比翼。里中白雪本同聲。瑣闥闐氣驛人無敵。吏部文章代

有名太息山中雙鬢改，却將勲業俟河清。

陳本容過訪有作荅之

誰憐三迳欲全荒，有客時能過草堂。白日下簾供握麈，薰風滿戶佐飛觴。縱談爾自入詩妙，強飲吾無似酒狂。世事回頭今莫問，愧將一線補垂裳。

移官南都柬修吾李文次景華韻

五夜明光響佩環，天風吹落水雲間。青山已分花驄隱，白下仍聯畫省班。薄謫幾人回日月，壯遊何地不江山。與君未盡相期意，六代風流得共攀。

明詩七言律卷十一

十七

車

中秋適仲弟至陝西與陳本容王正叔李允吉

夜集時先雲後月

絕塞初逢使節回，清秋懷抱得重開。風吹萬里殘雲去，天放千家好月來。竹葉中宵須盡酌，菊花九日况相催。明年南北空回首，縱有尊壘幾共陪。

東明訪少春全石趨庭三君子于逍遙園

故國相逢不盡懽，五雲回首憶彈冠。亦知世事忘言好，翻為人生會面難。霜後黃花矜晚色，日斜綠醕破秋寒。轉園天上今明主，廊廟江湖計總寬。

仲子詩詞精
練直探玄窟

如稽康之鍛
引鑿自奮旁

不見人

仲子詩詞精
練直探玄窟
引鑿自奮旁
不見人

魏允中

字懋權號崑溟南樂人萬曆庚辰進士官大常博士

送康裕卿寄暘谷先生

授簡風流滿洛陽。青春遊子倦思鄉。桃花尚憶當年
宅。荷葉堪為卒歲裳。九曲暮雲連雁宿。片帆秋雨落
錢塘。吳門驄馬深相憶。錦字遙憑寄八行。

寄少春

懷人細檢白雲童。身世渾如在盛唐。信有名家箋左
氏。敢拚屬國典中郎。朱纓華轂非吾事。濁酒黃花滿
故鄉。一箭功成東蹈海。乾坤若个魯連狂。

明詩七言律卷上

十八

寄鳳洲次原韻

雙闕天高袞鉞輕。孤蹤聊付二王評。全身已自隨鴻
逝。憂國猶煩問鳳鳴。零露滿原秋草盡。長江無限暮
潮平。五君咏得終何事。浪博人間豎子名。

華山

五岳平生粗有因。杖藜初試華山新。簡書幸不妨幽
事。猿鳥亦能樂使臣。雨霽南山翻入滑。夜涼北斗欲
低秦。盈盈玉女池頭水。為洗金城衣上塵。

秀色寰中第一看。強扶塵足踏崦巒。繞經半嶺驚秦

小忽到中林覺。衰寒岩月印。池渾是碧洞。霞燒戶盡成丹。風塵回首傷多事。欲就長松掛漢冠。

一槐憲副邀飲大伍山亭

久辭北闕返東山。垂老移家身更閒。有客忽過蒼竹徑。倩僧初掃白雲關。登臨眼界諸天外。歌舞心期半日閒。記取杏花岩下路。玉門歸客待重攀。

中秋夜和陳本容韻

澄空朗月照林幽。月底相看總舊遊。色借池臺渾欲動。歌成關塞不知愁。從來好景唯今夕。此去浮生更

明詩七言律卷上

十九

幾秋興。到不妨還命駕。為君淨洗菊花醪。

李化龍

字于田。號霖。寧長垣人。萬曆甲戌進士官。歷南吏部郎。

京邸魏懋權過飲言別

市橋官樹鳥嚶嚶。倦客開尊對友生。千里江湖今握手。十年河朔舊知名。愁來北極浮雲滿。醉裏西山片月明。此別風塵俱落落。相看何限故人情。

贈劉翁

少微偏映大江東。前輩風流喜見公。倚杖總看形似鶴。揮毫還擬氣成虹。山村水郭人長往。玉樹芝蘭樂

于田有雋才。刻意為詩。和石田落花詩三十首。掩其前作。它日必哀然。作家也。

未窮渭曲莫言能久卧。君王昨日夢非熊。

○秋日同歐來何賈黃魏徐七省丈遊燕子磯
清秋飛蓋躡龍嵒。何異淮南聚八公。地近烏衣磯是
燕山。聯鍾阜氣成虹。征帆去去芳洲外。岸葦蕭蕭
照中。把酒臨江君不見。六朝寂寞草連空。

贈李君實君為吾友趙夢白上客故及之

蕭瑟深秋短髮新。每逢搖落獨傷神。誰知朱雀橋邊
客。曾是玄都觀裡人。薊北風烟雙倚劍。汝南花月一
沾巾。與君俱抱元龍氣。好向天涯作比隣。

明詩七律卷上

二十

○送沈郎中兵備江西

為郎十載美休文。憲府新開列戟分。倚劍共瞻牛斗
氣。建牙親統鶴鷺軍。潯陽九派平吞楚。廬嶽千峯半
插雲。回首舊遊佳麗地。過江魚鴈好相聞。

○送留守大司馬王公召入為大司農便道過里

蚤年俠客雅相推。曾共荆鄉擊筑來。當日白虹臨易
水。于今紫氣滿燕臺。一朝冠蓋崇元老。八座勲名切
上台。此去乞言成令典。休徵原自佩刀戈。

落花詩和沈石田韻

深紅淺白幾悠悠。九十春光忽盡頭。萬樹穠華辭上苑。一天風雨逐東流。啼鶯有恨憐金屋。乳燕無情度玉鉤。斜倚危欄看不盡。江南江北總堪愁。

由來好事每匆匆。何況穠華本自空。繫日已無千丈線。過時誰恨五更風。一場春夢隨流水。萬點愁心付落紅。安得年年三月閨。重教沉醉百花中。

馮舜田字

歷下人官

懷歸

塞雁歸來不寄書。關河東望杳愁余。故園門巷青山

明詩三言律卷上

廿一

宗

對。往日親。歟。白社虛。院度雲容供。卧枕風清沙漠偃。征車十年浪跡天南北。冷落松篁舊草廬。

過安西故城

蘆葉秋風古磴河。荒城高塚共嵯峨。腰懸金印人何處。夜度將軍事已過。絕壁長天留漢壘。黃花紫塞賁西駝。于今烽火涇原路。未老馮唐感慨多。

二

野草連空水自流。孤城斜日對荒丘。曾經大宛求天馬。浪說張騫到渚牛。人物已隨征戰盡。山河留取古

馮公不詳世家亦不見詞林乃其詩雄深奇古雅有杜氣幾為遺珠矣

今愁茂陵不起空多恨。萬里寒雲共一秋。

楊竹谷邀飲鎮邊樓

將軍列宴郡城樓。閃日旌旗擁上游。款塞屬羌頻貢馬。征西甲士欲封侯。雲開巴蜀千峯雪。雨浥河湟萬戶秋。莫聽笛聲怨楊柳。春風已度此邊頭。

賞番

萬里邊庭古戰場。侍臣傳詔下河湟。羌酋蕃落伏關隴。天馬葡萄入建章。風拂陣雲開細柳。沙明獵苑試穿楊。真逢四海為家日。才愧橫汾歌聖皇。

明詩七律卷二

三

車

安定死閔馬

戍樓高壘胡天近。蔓草黃花沙路遙。死靜夜啼出塞。雁山寒人射帶霜。鵬六閑雲錦秋風健。八駿龍媒玉勒驕。萬里不征戎馬息。君王神武自唐堯。

金城遙望

陟插飛樓百尺欄。登臨不盡意漫漫。水翻黃旆雲垂蓋。山擁青蓮地作盤。禾黍滿川收塞北。秋風千里憶長安。金城玉壘皇圖勝。誰繫降王到賀蘭。

過未央

千古興亡指顧中。秦原空護未央宮。烏飛寒堞黃花
晚。城對南山紫閣雄。雙闕銅龍沉渭水。五陵烟樹泣
秋風。九衢車馬豪華盡。玉輦無人萬國東。

○宿涼州

黯黯愁雲塞日黃。秋風鉄馬過西涼。金城東望家千
里。雪嶺南飛鴈幾行。誰是將軍李廣利。共傳黠虜左
賢王。胡笳吹落關門月。青海龍堆滿目傷。

過洛陽

伯業王圖事已過。路人指點舊山河。斷橋無復啼鶯

明詩七言律卷上

廿三

尚

處野老猶傳離黍歌。滿眼廢宮連故塚。傷心金谷共
銅駝。中原多少興亡恨。暮雨秋風咽逝波。

尹耕

號荊野蔚州人嘉靖壬辰進士官至河間知府

紫荊關

漢家鎖鑰惟玄塞。隘地旌旗見紫荊。斥候直通沙磧
外。戍樓高並朔雲平。峰巒百轉真無路。草木千盤盡
作兵。誰識廟堂柔遠意。戟門烟雨試春耕。

二

川迴拒馬流偏急。嶺接浮圖勢益雄。鐵騎未肥春草

綠桔槔時送夕。陽紅憑高漫有燕。然興倚劍徒誇定。
遠功昭代華夷真一統。北門千古漢扶風。

劉懷恕

字士行號心田東明人萬曆丁丑進士官長洲尹擢御史

登望豐樓贈徐明府

層樓結構倚雲邊。明府登臨樂意便。百里風烟凭檻
外。千家禾黍把杯前。乍疑遠漢騰雙鳥。時對南薰奏
五絃。羨爾風流常卧閣。淮陽想見使君賢。

高閣峻嶒俯碧岑。不緣春色壯登臨。開簾遠見桑麻
影。倚檻時聞麥穗吟。發息終宵無吠犬。風清長日有

鳴琴。簷前楊柳莫輕折。留繫甘棠去後心。

陳知玄

字本虞號春澤莆田人嘉靖間庠生

滁陽龍泉寺觀音殿重新再過贈淨空上人
一別龍泉動隔年。重來世界更堪憐。空中寶霧香烟
裊。淨裡金光佛日懸。花落栢潭龍作雨。風吟楸樹虎
參禪。山僧邀我談玄妙。修竹芳蓮許結緣。

讀穆石二公詩有懷

旅館秋深枕簟寒。獨將秀句倚燈看。月明子夜千山
白。霜染吳楓萬樹丹。雙劍光芒行嶺曲。二龍風雨濁

吉行三詩成
於物第時推
詞雅調便見
高手他日必
為作家也

本覆乃也濯
先曾孫留
心風雅浸然
作者晚得詩
二首

漳干已從海內探詞品自有中原大將壇。

陳知占

字本容號春河蒲田人萬曆間南京禮部儒士因家滁州之烏衣

訪皇甫司勳公

萬里江空水不揚孤帆南下謁詞場才名伯仲看龍

劍詩句曹劉數雁行震澤風高菱葉露洞庭雲淨杞

花香蒼松偃蹇虬龍態著作何妨歲月長

訪王伯穀半偈齋

海天萬里泛孤槎路入吳門處士家木榻塵清時下

客筠簾烟裊晝烹茶齋題半偈來玄度壁挂千峯

明詩七言律卷十一

廿五

識永嘉莫為湖山耽久卧才名今已著京華

同春元王思菴飲貢元陳蓋齋宅

栢酒尊開繁水涯條風拂柳影斜移呼盧有客青春

好按轄多君白日竒歌逐鳳凰聲窈窕醜傳鸚鵡夜

迴遲相逢不盡豪遊興憑醉臨風賦詩

雪中同穆考功汪山人賦

臘雪宵飛潭水噴曉看庭樹尚繽紛剡溪興處何須

晤素榻寒深詎忍聞萬里梅花愁夜月遙天柳絮冷

朝雲臺前授簡無能和郢調于今已屬君

余初以書畫

識本容乃本

容後余談詩

久之玄解間

出警言語為

也

本容不守節

制自增詩二

首恐累主帥

乃復取其他

所貽詩依數

選補略加點

竄遂致完

美其長猶在

本容也

本容與王山

人家於吾園

余日明園之詩
二三百餘觔
管所向二山
人輒爭先一
鳴久之各積
近體百餘首
余復為板十
得一補刻之
見一時出金
盛即襄陽
臨清並出矣

暮冬穆園送汪山人還汴

寒月孤城響朔風。離亭把袂意何窮。尊開穆醴梅邊醉。詩向梁園雪裏工。但可烟霞便歲暮。何須表馬戀江東。極知別後相思意。春水盈二。託便鴻。

涑園送劉長洲入計兼簡吳縣傅湄陽

高城飛雪映旌旗。寒館張燈照酒卮。幾載甘棠吳苑賦。三冬別酒涑園詩。人從沂水瞻青漢。鳥自燕雲下赤墀。此去知君應上績。遙看雙鳳際明時。

聞鴻臚鄭體行赴銓曹選却寄

與君少小結雷陳。別江湖十七春。劍外雲霞驚歲月。客中烟雨夢壺津。曾聞暑日經吳苑。應是秋風謁帝宸。魏水燕雲天咫尺。相思無奈寄雙鱗。

寄送南樂柯立臺入計

繁水遙瞻敞別筵。雙開旌旆起漳邊。天迴律管初陽候。人值飛鳧入觀年。涿鹿風寒千樹雪。盧龍雲白萬家烟。知君大著循良譽。天語春溫賜燕前。

博士魏崑溟奉使蘭州余時客其邑值其過里

省觀詩以送之

明時捧詔出天闈。遙冊高皇九葉孫。過里湖山生氣色。趨庭衣袂灑網緼。星輅夜發漳河水。劍旆時驚嶺麓猿。到處不須窮慙履。鴛頭一柱是龍門。

王子忠

字良輔號松莊浙之蘭谿人山人

七月十五夜集穆憲副池亭玩月遲石符卿不至

至限秋字

新晴萬里暮雲收。把酒池亭豁醉眸。玉盞光搖天外。寒砧聲動客邊秋。青雲友道交非淺。白首江湖興未休。何事曼卿期不至。空教人倚仲宣樓。

明詩七言律卷十一

二十七

宗

冬日同少春東泉登東臺限韻

天外晴光向晚收。高臺突兀枕寒流。攜尊日對青雲侶。乘興時同雪夜舟。白鴈遠從霄漢度。蒼松倒入酒杯浮。自憐老去詩篇在。生計蕭條未足憂。

元日同金石登少春著書樓因憶石東泉劉心

田李從野諸公

十載江湖願已休。中原無奈憶同遊。浮雲世事成來往。白雪天涯阻唱酬。良晤重沾元亮酒。佳辰同上仲宣樓。尤憐此日鳴珂客。共逐鸚鵡班拜冕旒。

山人商於吾邑日與拱辰及余為詩賦廿年商業盡廢涵然南歸後十餘載復渡江而來從余兩人遊自言願老此鄉其人有夷門俠士之風詩亦大類之與陳本容名魯逍遙園囿

春日訪穆憲副于城東草堂

薜荔堂深不易求，我來乘興續前遊。
喬林背郭森森長，碧水環堦曲曲流。
歲月那堪論往事，杖藜今喜復登樓。
多君大有陽春調，欲和無能愧白頭。

荅少春乍見錯愕志喜用來韻

茅堂舊築倚城隈，曾共當年坐草萊。
竹徑籠雲人罕到，江天有雪棹還來。
論文松影斜侵榻，說劍歌聲起莫哀。
愧我濫叨白社侶，輸君原是出群才。

余曾寄書於進士李從野竟成殷洪喬故事公

明詩三言律卷上

二十一

車

因奉使上谷歸里相晤賦此以贈故頸聯及之
幸託龍門十載前，別來南北各風烟。
漆園株守吾衰老，杏苑春遊爾少年。
千里星軺來塞上，八行消息滯雲邊。
相逢錦里還同賦，白首猶能和郢篇。

鄭丈南浦邀賞牡丹

名花自不倚雲栽，穠艷真從洛圃來。
曉露低垂妃子醉，晚風斜動錦幃開。
相看但恨嬌無語，作賦何妨數舉杯。
去去主人須愛護，莫教風雨夜相催。

寄贈扶風李明府槐墅

山人之子邦
鑄為李公墓
實故用王戎
故事切而有
情

情致宛然

拊劍句有酬
知之意中聯

可令人泣下末
縣自謂其老
唯以詩句卷之
不失本色

宗漢八閩才
主與陳本容
縱橫吳門
號萬人敵比
來一沙遊吾
道遥園象
寔百出吾贈
之近體二十
餘首極其調
弄宗漢自為
絕倒果知
為才士也

洛中甲第舊雲仍西入關西紫氣騰地近咸陽為畿
輔人多循吏有聲稱自慚荷閣惟王粲未遂登龍識
李膺獨喜阿戎曾應教欲將詩句擬擔簦

陳本容來自滁陽偶恙晤于逍遙園慰贈

彩毫當日此同遊廿載湖山阻唱酬老我每驚梁月
色逢君何意採薪憂陳登卧榻餘豪氣王粲哀時尚
倚樓同是天涯漂泊客相將且莫賦窮愁

得中丞石東泉書兼惠綈袍志感

栖栖旅館思無任時向燈前拊劍鐔海內金蘭深歲

明詩七言律卷上

二十九

宗

月日邊錦字及山林踈狂結襪非吾事冷暖綈袍
見此心老去啣恩何以報惟將詩句託南金

余翔

字宗漢號鳳凰基莆田人舉人隆慶中為全椒縣令歸田後常遊江湖中

送高五之山東謁方左轄

二月芳郊雨乍晴隔林求友聽鶯聲文章欲借中原
色裘馬初含萬里情滔海誰當天下士談經直過濟
南生紫薇花下邀驩後嘯倚天門署姓名

觀察使鄭公茂壽篇

才子聲華起赤霄天涯宦跡故飄飄書探中嶽三花

室賦壓西陵八月潮。劍那堪歸岳牧拂衣自分老。
漁樵。天香月色秋如水。醉據胡床聽玉簫。

寄贈柯堯叟堯錫兄弟

君家伯仲並才名。意氣相看海岳傾。白社已栖陶處
士。青袍猶負魯諸生。筆凌鸚鵡千秋健。門掩蓬蒿一
徑橫。偃蹇未須嗟抱璞。時來雙壁抵連城。

重陽後二日樓上坐雨寄張子明

颯颯西風落葉吹。登樓王粲不勝悲。秋高故國鴻偏
少。時過重陽花尚遲。喪亂難禁滄海淚。窮愁豈負白
雲期。林頭綠綺憑誰問。山水含情祇自知。

同詩三言律卷五

三十一

送林大叅之貴陽

謂帝新從薊北迴。紫薇花下進春杯。褰帷重入要
荒地。開府爭推岳牧才。山鬼西南愁按部。夜郎風雨
避登臺。天涯見月如相憶。尺素還憑過雁裁。

酬方郎中

沈贈別之作

落魄狂生酒一卮。風塵不必問當時。雕蟲自哂囊中
技。失馬何關塞上悲。卓帽蓬蒿終獨往。緜袍湖海幾
相知。夔龍接武須公等。一片冥鴻任所之。

留別朱在豫

為愛淮南桂樹蕭相逢。招隱醉尊前。黃花秋後猶堪賞。白髮天涯最可憐。霜落蕪城驚過雁。帆搖瓜步帶寒烟。庾公不負山中約。早向鹿門學種田。

送方子及謫滇南

迢迢東海一波臣。路出盤江更問津。寒食蘼蕪愁片雨。春衣楊柳拂輕塵。青雲謫去還何日。白雪歌來和幾人。我亦乾坤憔悴者。不堪澤畔賦靈均。

同周九遠游宗振集用晦王孫芙蓉園得華字

明詩七言律卷十一

三十一

青藜高閣抱龍沙。客向王門校五車。玉樹舊傳桐葉地。天香秋散桂叢花。鄒枚授簡生春色。半斗開函鬪物華。對酒試論千載事。建安七子復誰家。

送宗振之江西無柬用晦王孫

囊山山下白雲生。慷慨看君賦遠行。峽口孤帆飛建水。斗間雙劍指豐城。江湖不盡窮愁淚。風雨其如去住情。到日芙蓉花正好。西園彩筆競縱橫。

游魏訪陳本容于逍遙園不遇寄此懷之

孟公結客近何如。南北風塵恨索居。池上鸞群頻入

昔時陳李容
曾言趙王客

尤子嘉善
詩可並謝

少人後復聞
其客吾同年

蔡兩使君兩
使君曾未嘗

一上言尤子今
取其集觀

之則在二氏
言不言之間

也視少人稍
飛白矣

夢天涯。鴈足幾傳書。竭來此地空懸榻。老去何門尚
曳裾。萬里獨憐孤劍在。延津風雨意踟躇。

尤嘉 字子嘉號西陵浙之樵李人山人

山寺看竹

閒攜短策出柴扉。日午鐘聲落翠微。山色淡浮桐葉
帽。溪光寒上薜蘿衣。偶因問竹來僧院。不為求魚坐
釣磯。一片野心無住着。悠揚時共白雲飛。

秋前一日睢陽逢鄉人陸文學

宣武城邊遇陸機。翩翩藻思向人揮。行歌鳳曲知音
明詩七言律卷上

少。醉擊龍泉識者稀。挂落天涯同對酒。相逢亂後各
沾衣。還憐歲月如流去。明日梧桐葉又飛。

塞上送鞏太守南還

二月灤河春水生。堤邊折柳寄離情。鼓吹共醉軍中
樂。刁斗無聞塞上聲。夢鹿我慚疇昔事。射鵰君負此

時名。天涯相見仍相別。倚劍長歌淚滿纓。

冬日蔡憲副昆季招飲

冬日高堂綺席開。使君招客共銜杯。山懸倒影當尊
見。薪送殘香入座來。趙地星霜淹久客。陸家伯仲總

奇才交歡且作平原飲更許何人十日陪

送劉山人往太原謁梁李二使君

平原日落雁聲寒送子西遊歲欲殘
共惜異鄉裁別賦更柎何處解征鞍
山橫熊耳尖如削路遠羊腸曲似盤
自是陳蕃能下榻匣中長缺不須彈

珍珠泉

捧天峯下

千尋瀑布散珠璣仙子為簾障翠微
日暮片雲流澹影夜深明月動清輝
寒生俠士芙蓉劍色上幽人薜荔衣
我亦久諳泉石味停琴相對竟忘歸

明詩七言律卷十一

三十三

樓居

面面青山對客居晝眠高枕讀殘書
放歌清響聞天上拭劍寒光接斗虛
老去元龍身更健賦成王粲意何如
醉餘獨傍闌干立無數烟霞落素裾

彭光祖

字虎少號太乙全椒人庠生

寄懷石老先生

袖重裘懷書歲月多浮雲無奈客愁何
聲名好在堪龍卧門巷依然自雀羅
山色黎陽來大任秋風瓠子落

詞逸氣大
非書生語
勉之他日必
成家也

李子風致
儘佳何妨

為人奚童
手植伯有
童若此顧
不為華楮
間就敵哉

黃河桑田漫道人間跡。往事淒涼一浩歌。

故人天外起遐愁。露冷蟬聲萬樹秋。紫禁久違蒼玉佩。青山不負白羊裘。鹿蕉此日空傳夢。猿臂憑誰問拜侯。何必前薪嗟漢代。百年朝野總蜉蝣。

李英

南海歐楨伯家童

歲暮旅懷

天涯留滯歲將除。短鬢蕭條嘆客居。楓葉共飛遊子夢。梅花不見故人書。雲浮關樹千山盡。夕照江烽萬里餘。回首旗亭心更遠。每看征鴈一踟躇。

明詩上言律卷上

三十四

送鄉友南還

楊柳霏霏鎖綠陰。薊門春盡落花深。琴尊羨爾能雲卧。書劍憐予尚陸沉。萬里河山遊子夢。中原涕淚故人心。別來握手知應早。預想秋期在竹林。

閩孟淑卿

自甌荆山居士蘇州人嘉靖間

香奩冬詞

默坐深閨思有餘。霜威漸覺襲衣裾。青綾被冷無鴛夢。紫塞天寒斷鴈書。竹葉舞風侵戶響。梅花和月上窓虛。雙蛾爭似庭前柳。臘盡春來忽又舒。

李夫人詩
清遠有致
大是作

陳氏 仁 和 人 都 御 史 李 昂 妻 嘉 靖 間

秋興

江上浮雲障碧空。亂山愁鎖夕陽紅。邊城畫角吹殘日。野寺疎鐘度晚風。梧樹着霜飄敗葉。菊花經雨發寒叢。愁多倦寫蠅頭字。坐倚胡床看塞鴻。

行闈山見居人以竹引泉

行盡山谿路渺茫。幾家茅屋對斜陽。引泉竹溜穿厨入。墮粉松花繞舍香。樵徑無人閑臥犢。石田得雨漸分秧。平生頗有山林僻。欲向溪邊結草堂。

明詩七言律卷二

三五

書懷

遊宦江湖已有年。歸來晦跡愛林泉。自知學道疎人事。每為搜詩減夜眠。開戶欲尋芳草地。捲簾愁對杏花天。肯將俗事縈懷抱。須向山中作女仙。

楊氏 仁 和 人 孫 文 恪 公 妻 嘉 靖 間

憶姊和韻

昨夜寒梅已看花。新枝折取寄天涯。鸞翔霄漢還千里。人隔燕吳本一家。無那看雲憑畫檻。懸知望月倚窓紗。錦牋况復傳佳句。詠雪高才未足誇。

女流詩當
以楊夫人為
首其用情
懽語咸合
大雅

得盛陽金
陵爭古體

羽士廬大雅不知何時人一為龍虎山人

題錢塘勝覽圖

南渡衣冠委草萊危亭高處海門開雲霞都邑雄中
國月露軒窓逼上台春夢已隨流水去寒潮自領夕
陽來小樓題畫因惆悵豈獨昆明有劫灰。

答王叔潤

天祿然藜嬾校經鷁舟隨處泊鷗汀西風舉扇無玉
導東海移家有管寧溪雨初晴雲更白湖霜未落草
猶青客樓寂寞江天外幾度遙瞻處士星。

明詩七言律卷上

三六

釋來復

字見心國初召至京與宗泐齊名

寄贈洞庭葉隱君

一舸南歸鬢欲華買山湖上臥煙霞尊如北海應多
酒園擬東陵亦種瓜丹壑泉春雲確藥橋林風掃石
牀花傳家自與鄰翁異見說藏書有五車。

釋夢觀

名仁洪武初供事南都

謝恩奉天門

金殿重重護采霞天門賜坐擁袈裟尚方晨鉢分雲
子中使春杯獻乳花雉尾風清天咫尺螭頭香煖霧

釋詩多道
本色夢觀
雄談麗
頗露頭角
此必幸官
而隱於釋
者也

橫斜。聖恩特許還山蚤。宮柳黃時喜到家。

泊瓜州渡與吳菴同賦

淮煙漠漠夕陽收。楚樹昏昏翳客舟。風度鐘聲來北固。帆將燈影過揚州。雲銷碧海天無際。波撼金山地欲浮。獨恨壯遊非昔日。滿江風露夜如秋。

與道衍登虎丘

紺宮高擁碧崔嵬。曾是秦皇駐蹕來。虎石半銷金氣盡。翠崖中斷劔池開。巖僧掃月千峯淨。山鬼吟風萬壑哀。老我登臨春已晚。落花吹雨滿經臺。

明詩七言律卷十一

三十一

送馮以清調成都衛知事

越客傳來浙上書。故人闕下拜新除。荆門馬度霜晴後。峽口猿啼月上初。錢筋灰寒參畫外。戈船風動笑談餘。清秋幕府多閑日。為訪文貞舊隱居。

送楊知府之夔州

使君清白舊傳家。夔府之官不憚賒。蛇勢中流開八陣。猿聲午夜落三巴。蒼童不泣庭前草。紫馬時看陌上花。戀闕丹心知更切。定依南斗望京華。

寄山東壘長老兼簡方伯修胡隆成

秋林禪月夜纖纖。悵望令人別恨添。千載麒麟悲魯史。四筵龍象讀華嚴。方可但工詩律。胡廣從知起孝廉。賸種白蓮重結社。東山今日有陶潛。

釋明秀

號雪江在海鹽天寧寺弘治間寓錢塘勝果寺

懷太白山人

堦前黃葉堆欲滿。湖上白雲閑自來。千里秋風悲斷。應兩峯。寒日憶登臺。未能明月同移棹。想見黃花獨舉杯。吟遍長松千萬樹。南屏落日寺門開。

至杭過長安道中先簡太白山人

明詩七言律十一

三六

野日蒼蒼水氣寒。半篷斜日下長安。川平去鳥秋風沒。葉落孤村暮雨乾。久客詩囊隨日富。漫遊心境與天寬。憑誰寄語南屏叟。猶有湖山興未闌。

陪洪司寇陳大理寶叔寺登高

寶叔塔前秋色晴。黃花作意向人明。錦袍尊酒重陽節。白髮山川故老情。萬里中原芳草歇。孤城落日大江橫。羣華巡幸知何處。寂寞天南憶兩京。

釋果斌

號半峯嘉靖中居南京天界寺

答初泉相公書楞伽經見寄

西蜀蠶叢路幾千。每懷高誼欲潛然。葛巾隨意青山
徑。藜杖常尋白社禪。潘岳閑居多逸興。劉楨驚世有
詩篇。老難行脚巴山去。錦水雙魚幸可傳。

奉和石城許太常公韻

宰官閑訪碧巖僧。直到祇園最上層。洞口雲棲鐘欲
罷。山腰日暝客還登。空林朗朗傳清梵。古殿陰陰見
佛燈。若問曹溪玄秘處。此心將不愧南能。

批點明詩七言律卷十一

明詩七言律卷十一

三九

刘

